

## **IKT reglar for grunnskulen i Vanylven kommune**

### **1. Reglementet sitt føremål**

- Målgruppa for reglementet er elevar i skulen.
- Reglementet avklarar akseptabel bruk av informasjons- og kommunikasjonsteknologi for målgruppa.
- Reglementet søkjer å hindre utilsikta og uønska hendingar.
- Reglementet vil beskytte brukarar og tryggje den pedagogiske lærings situasjonen.
- Reglementet skal bidra til å avgrense roller, rettar og plikter for elevar og kommunen.

### **2. Reglementet omfattar**

- Bruk av kommunen sitt IKT-utstyr som vert disponert ved skulane.
- Bruk av privat IKT-utstyr i samband med skulen og/eller via kommunen sitt nettverk.
- Bruk av programvare som kommunen har gjort tilgjengelig.
- Publisering av innhald på nett og kommunikasjon ved bruk av privat eller kommunen sitt IKT-utstyr.
- Elevar sin IKT-bruk utanom skuletid er i utgangspunktet heimen sitt ansvarsområde, men åtferd som har tydelig tilknytning til skulen kan likevel reknast inn under skulen sitt ansvarsområde.

### **3. Eleven sine rettar**

- Eleven har rett til opplæring i bruk av IKT for å kunne oppnå krava om IKT-kunnskap i høve læreplanen.
- Eleven har rett på tilgang til velfungerande IKT-utstyr i undervisninga.
- Alle elevar har rett på lik tilgang til IKT-utstyr i høve gjennomføring av digital eksamen og nasjonale prøver.
- Eleven har rett til å bli informert om innhaldet i IKT-reglementet ved skulen.
- Kommunen kan berre utlevere opplysningar om ein einskild elev eller data som tilhøyrer ein elev der dette går fram av inngått samtykke, vedtekne reglementer eller følgjer av lovgjevinga elles.
- Eleven har rett til å få med seg private data som skulen ikkje lenger har høve til å ta vare på.
- Alle personopplysningar som skulen ikkje lenger har bruk for vil verte sletta, så sant ikkje skulen er lovpålagt å oppbevare opplysningane.

### **4. Eleven sine plikter**

- Elevar pliktar å følgje skulen sine pålegg og instruksar om bruk av IKT-utstyr.
- Elevar på ungdomstrinnet pliktar å setje seg inn i den informasjonen som skulen gjev om reglar og vilkår for bruk av IKT-utstyr.
- IKT-utstyret som er plassert ved den einskilte skule skal behandlast fint.
- IKT-utstyr som vert nytta i skuletida skal berre brukast til skulerelaterte oppgåver.
- I skuletida skal privat IKT-utstyr, som mobiltelefonar, berbare datamaskiner og liknande, berre brukast etter avtale med skulen.
- Chat, spel, privat e-post, streaming av film/serier eller generell surfing skal berre skje etter avtale med skulen.

- Publisering av innhald på nett og kommunikasjon gjennom kommunen sitt IKT-utstyr skal på ingen måte innehalde tekst, bilete, lyd eller video som er av støytande art, eller som henger ut einskildpersonar eller -grupper.
- Digital mobbing skal ikkje førekome uavhengig om det skjer gjennom eige eller kommunen sitt IKT-utstyr.
  - Brukarnamn og passord skal haldast hemmelig og skal berre nyttast av den aktuelle eleven.
  - Elevar skal ikkje installere eiga programvare på kommunen sitt IKT-utstyr.
  - Installasjon av programvare på pc-ane som gjer at uvedkommande får tilgang til kommunen sitt nettverk skal ikkje førekome.
  - Eleven pliktar å gjere så godt dei kan for ikkje å bringe virus eller annan øydeleggande programvare inn i kommunens IKT-utstyr.
  - Eleven pliktar å bruke godt nettnett når han/ho nyttar kommunen sitt IKT-utstyr.
- Eleven pliktar å undersøkje og respektere opphavsretten til materiale som tekst, bilete, musikk, film eller lyd som vert lagt ut på heimesider, fellesområde og bloggar.
  - Eleven må få samtykke frå medelevar/føresette til å legge ut bilete, lyd og video av dei.
  - Elevar pliktar å varsle skulen ved mistanke om at andre bryter reglementet.

### **5. Inngrep og sanksjonar**

- Brot på IKT-reglementet kan føre til sanksjonar frå skulen/kommunen.
- Skulen har eit ansvar for å gripe inn overfor elevar som mobbar eller trakasserer lærarar eller andre elever.
- Bruk av skulen sitt IKT-utstyr som strid mot norsk lov kan bli meldt.
- Pc-ar som vert nytta under eksamen kan bli kontrollerte før og etter avvikla eksamen for å avdekke forsøk på juks.
- Elevar som mobbar, diskriminerer eller trakasserer andre ved bruk av kommunen sitt IKT-utstyr kan bli utestengt frå all IKT-bruk i ein periode fastsett av skulen. Særskilt alvorlige tilfelle kan bli melde.
- Elevar som gjer skade på kommunen sitt IKT-utstyr kan bli haldne erstatningsansvarlege.
- All datatrafikk ved den einskilde skule kan bli logga.
- Brot på IKT-reglementet kan også føre til sanksjonar i høve skulen sitt generelle ordensreglement.

### **6. Ansvarsfråskrivning**

Kommunen er ikkje ansvarleg for tap av data eller skade på IKT-utstyr som skuldast forhold utanfor kommunen sin kontroll.

### **7. Underskrift**

Underskrift er å forstå som kvittering på at reglementet er lest og akseptert.

Stad og dato: \_\_\_\_\_

---

Elev

Føresatt